

couplet 1: ZE WOONDEN SOAMEN IN 'N HOESKE,
ZAI WAS WAT STIEF VAN REUMETIEK,
TOCH KONDEN ZE ZOK HAIL NUVER REDDEN,
IN 'T LUTJE HOESKE ACHTER DIEK.

couplet 2: DE KINDER WAREN AL LAANK DE DEUR OET,
TOCH KWAMEN ZE VOAK NOG OP 'T OL STEE,
EN MAINSTTIEDS HADDEN ZE 'T OVER VROUGER,
DIN WIZZEN Z'ALMOAL WAT 'E ZEE:

refrein: **'T HET NOG NOOIT, NOG NOOIT ZO DONKER WEST,
OF 'T WER ALTIED WEL WEER LICHT...**

couplet 3: ZES HOUNDER EN 'N OLDE SEGE,
'N SWIEN OP 'T HOK EN 'N KAAMPKE LAAND,
EN TWIJMOAL DOAGS EVEN OVER 'T LOANTJE,
EN DIN HUIL OPOE HOM BIE D'HAAND.

couplet 4: ZIEN HAILE LEVEN HAAR 'E AARBAID,
EN MOEKE MIT ACHT KINDER THOES,
BIE ZUMMERDAG HAIL VROUG AAN' T MAAIEN,
EN PAS OM MELKENSTIED BIE HOES.

>>> REFREIN

couplet 5: TOUN OP 'N ZUNDAG IN DECEMBER,
KRIGT OPA 'T ZOMOR ZO BENAAUWD,
ZIEN DOCHTER BRENGT HOM DIN NOAR STAD TOU,
OMDAT ZE 'T AIGLIEKS NAIT VERTRAAUWT.

couplet 6: EN AANDERDOAGS IS 'E OVERLEDEN,
T HET MIE VEUR 'T OLSKE ZO BEGROOT,
MESCHAIN WAS 'T BETER ANDERSOM WEST,
WANT DRIJ WEEK LOATER WAS ZE DOOD.

>>> REFREIN

couplet 7: DE DOOD DAT HEB JE NAIT VEUR 'T ZEGGEN,
WANT BAAIDE WOLLEN ZE GEERN GELIEK,
ZE RUSTEN ZACHT DOAR OP 'T KERKHOF,
VLAK BIE 'T HOESKE ACHTER DIEK.

>>> REFREIN

